

Merón: Konačna presuda Karadžiću do proljeća 2019. godine

Konačna presuda po žalbi ratnog zločinca Radovana Karadžića na prvostepenu presudu, kojom je osuđen na 40 godina zatvora, može se očekivati u prvom tromjesečju slijedeće godine.

To je izjavio predsjednik Međunarodnog rezidualnog mehanizma za krivične sudove (MICT) Teodor Meron u Sarajevu.

U slučaju Ratka Mladića, koji je prvostepeno osuđen na doživotni zatvor, okončanje žalbenog postupka može se očekivati do kraja 2020., rekao je Meron.

On je naveo da promjena sudija u vijećima koja sude Karadžiću i Mladiću neće bitnije usporiti donošenje očekivanih presuda, prenosi Hina.

Komentarišući odluku sudije Žan Kloda Antonetija da ga na osnovu zahtjeva odbrane udalji iz vijeća koje sudi Mladiću, nakon čega se sam povukao i iz vijeća koje sudi Karadžiću, Meron kaže da ne smatra da je pristrasan prema bilo kome i da sudi na osnovu zakona i dokaza.

Merón je odbacio navode da su neke presude izrečene u Hagu donesene pod političkim pritiscima. (H)

Date: 21-11-2018